

報日環循

禮 拜 四

西曆一千八百八十二年十二月十七號

敬 市 貢 奇 補 以 威 威 一

敬 公 司 有 限 公 司

此山居乃...

敬 告 同 學 們

敬 公 司 有 限 公 司

此山居乃...

敬 告 同 學 們

報

督辦甯古塔等處事宜太僕寺卿臣吳大澂跪 奏爲特保賢才懇 恩破格擢用以資治理恭摺仰祈 聖鑒事臣竊維古今吏治得人則理造就人才之道成於學問者半成於閱歷者亦半邊苦寒之地賢才本不易得臣所咨調札調及遠來投効之員隨時考察其實心任事能耐勞苦者尙不乏人求其通達治體可期遠大之器臣亦未敢輕許查有歲貢生候選訓導胡傳宅心純正識力俱堅平日講求經世之學於邊土風俗山川地方利弊瞭如指掌不務空言該員爲原任詹事府左春坊左中允劉熙載及門弟子親炙有年論

現署龍門協吉學盛飭回南韶鎮左營遊擊本任遺缺委留東辦海防廣西鎮安協梁正源署署龍門協左營都司事准升大鵬協左營都司梁鼎勳應行引見遺缺委香山協右總千營預保守備李廣聰署署龍門協右營守備李觀保署事日久應令交卸遺缺委該營千總補用守備李逢茂署署赤溪協右營都司鮑燦飭回崖州協都司本任遺缺委現署赤溪協左營都司事劉振德調署遺缺委准升斯缺署達濠營守備黃喬陞迅赴本任所遺守備缺委現署南澳鎮右營千總事澄海營右營千總鄭奮揚署水師提標後營守備潘斯洛撤任遺缺委補用都司利成耀署署廣協左營右哨二司靖遠汛把總李如應飭回該營左哨頭司龍慶汛把總本任遺缺委現署龍慶汛把總坤英署署廣協左營右哨頭司官審汛把總張安英另候差委遺缺委該協右營左哨頭司攬路尾汛把總梁鎮鏗調署新拔順德協右營右哨二司蘆苞汛把總現署該協右營左哨頭司西關水汛把總馮廷標應於具報新拔蘆苞汛把總任後仍留署西關水汛把總兼帶練勇省河緝捕○十月二十二日 督憲武弁轅報 署撫標右營守備准補青遠營右營守備鄧左青翼開飭印○二十三日 督憲武弁奏報 記名南澳鎮缺是督署 駐真州委

嚴拿鎗替 昨錄裕中丞整頓武闡嚴中功令茲聞前日出有示諭其略謂有東莞縣捐職盧鎮邦改名盧衛邦鎗替步箭即經察覺擊究在案尙恐此弊仍未盡絕各屬武生在館習藝均有教師認識不能推諉不知合行出示曉諭爾等武生如有馬步箭中全矢及中四五矢者准其入場技勇須教師出具甘結交四營將官繳呈本部院察核如有前弊將該武生懲辦并將出結之教師革究決不徇情云云現步箭完竣聞二十五日開考試拔勇矣○業還舊主 聞樂昌縣有湖南會館係前人所建並置有產業租賃與人因事查封後有歐姓者用價領業而會館司事以蒸嘗產業豈容歸之外人與之理論前日有會館司理人鄧子安來省赴臬轅呈控龔廉訪批云此案昨經樂昌縣湖南會館司事李松柏等控稟督憲牌行將前被封之產照價給還會館管業如前縣翟令收過歐淑詔備價承領即交回歐淑詔收領後拘傳蔣義和到案究辦行司飭縣遵照在案據呈前情仰韶州府卽飭現署之魯令查明前縣翟令是否將承頂買契還宥無盤居凡口查核自詳奉憲批大司衡星等理十三占少重

中外新
舊金山領事官
新政紀一官
無論大小惟以
留心民事爲稱
職政無論因革
惟以切中時事
爲得宜舊金山
在地球之下去
中國二萬餘里

者附航前往約十數萬近爲埃利士人所嫉忌唆美廷設立新例以期制肘華人中朝雖簡派欽差設立領事固無如何也則身膺其職者惟有設法保護我華人而已黃君公度以名孝廉參贊東洋使署經猷懋著遠邇傾心合肥相國深爲器重而中朝齟齬公亦咸歎爲不易得才鄭玉軒星使既奉廷命持節駐劄美邦亟思得人以資贊助特與相國商定奏請爲舊金山總領事蓋以金山一地今非昔比凡所以和友邦而崇國體禦外侮而庇華人者非學養兼到才識並優不足以充其選而承其乏也茲接到郵筒得悉黃君果能淡冶興情別釐積弊而使華人之遠客殊方者咸得安居樂業如處故鄉而睦姻任恤之風且雍雍然日臻於休隆焉洵乎有文章然後有經濟固出乎尋常俗吏萬萬也茲將初到金山時一二軼事備錄於報俾閱者得以知其梗概焉大清駐劄美國金山總領事黃爲曉諭事往常官長到任每有一張告示因係循例奉行之件不免官腔套話或所言不切其地或所言不切於事因是此項告示亦多有視爲具文等爲兒戲者本總領事以爲官長之於民人卽猶族長之於子弟族長教子弟豈可將泛常無益之話隨便敷衍至使爲子弟者不信其所言本總領事於到任之始未嘗出示者卽不欲以不足取信之言瀆人聽聞故也今居此一月漸悉情形念我華人遠來美國無論何府何縣均宜相親相愛待同輩卽當如兄弟無異看領事卽當如族長無異子弟能爲良善則族長亦與有光子弟苟有過失則族長自不能辭其責是以本總領事特舉至切至要之數端詳明曉諭對衆言之一不可逞兇殺人我等華人遠來海外各有父母各有親族誰不望遠適異國將來安樂還鄉汝等逞兇之人試反己自思爲汝父母親族者苟念及汝身流血橫屍被人戕害雖餓死亦必不肯聽其遠游卽念及汝今日逞兇殺人至身伏官刑魂歸異域雖餓死亦不願有此敗類爲汝等計卽不愛其身獨不爲一家計乎且汝等亦斷無不愛其身者徒以一時氣忿逞血氣之強忘罪孽之大古所謂一朝之忿忘其身以及其親甚可憐可憫也夫人命之重竟至屠戮殺害等於鷄狗一月之內層見疊出傷心慘目不忍聽聞天下無論何人必無縱容兇手坐視殺人之理我誠不知汝等何所恃而爲此自今以後如仍有持刀響砲敢於殺人者一經事發領事必幫助地方官盡心緝捕一經審實領事必轉任地方官盡法懲辦若萬一尙有倖逃法網者領事仍當稟請欽差大臣移咨廣東督撫或俟其逃歸卽行拏治或追究親屬勒令交兇總之設法辦理期於必治其罪至於父兄之包縱朋友之工帮在不明義理之輩必自謂宜不容辭不知爲父兄朋友者當於無事之時力勸其不可逞兇戕殺人是可也

電音 二十四日英都倫敦發來電音云埃及前宰臣亞辣卑被英兵俘獲而回發交法司訊究其抗拒情事茲經法司訊出實據謂按律科罰應加以死罪詳奏英廷惟英廷以亞辣卑雖屬罪有應得而究屬與國宰臣特援議貴之條概從末減宥其死罪擬以發往極邊幽禁俾終其天年焉○火車失事 德國遞來西歷九月信息云波甸地方附近富理北處昨有火車忽然失事以致炸裂車中搭客約一千二百人被炸斃者五十人受傷者一百零三人有二十二人所傷甚重或謂是次失事因狂風暴雨所致或謂車路被水衝塌故傾仆而炸也又有謂實因電線柱為風摧仆於車路中未及察覺致車過而失事也各說不同未知孰是○王叔行踪 聞日本密摺度之叔父亞理蘇加華行抵荷蘭都城駐紮帳數日即整行旌前赴德國伯靈都城西歷十月二十二日行抵德都日本駐伯靈公使偕其隨員先赴火車路迎迓並轡入城順赴德王宮殿遊行又往各處名勝徧覽其山川景物然後回公使衙署二十五日德王與王叔相見先令人備其所乘之車往接王叔晤會之際情誼備極殷勤設有盛筵以相款待山珍海錯莫不畢陳而王叔之隨員日本之公使及德國勳臣貴戚皆邀同暢叙盡歡而散

賽艇定期 旅港西人向設有賽艇會於行樂中而資其練習茲聞會中人定議初六初七兩日舉行○議院聚會 二十五日下午本港定例院開門聚議護理港督馬制軍為主席而按察司飛君署輔政司史君庫務司羅君另有紳士數人眾既畢集馬制軍對眾言曰是日聚會有律師未能赴院蓋因染有微恙也昨本官接到英國外藩院大臣發來電音得悉摩理渣士總督保雲經英廷調來本港補授總督之缺矣語畢華民政務司起而宣讀一札謂邇來本港東洋車復見增多宜添設巡差一名以管理其事俾得行人無意外之險凡車夫不遵照律例任意奔馳許其拘究此差每月擬給同薪水十圓以資辦公各官紳因詳為參議謂此舉為整頓地方起見可作為成例立即舉行署理總獄官又宣讀一札謂現時各監房獄卒似仍不足以資巡守擬請再設正獄卒一名副獄卒三名各官紳亦謂此舉可以遵行馬制軍因言前時英王孫到港之時因與照相計費去銀三千七百九十五圓六毫七仙士又西歷十月二十日議院聚會本署督曾對眾言及本港各義學監督歐君德理現在華民政務司寫字樓供職所居之房乃暫時借用當別設寫字樓以垂久遠也庫務司又言前者曾議設章程以約束東洋車後因事遂中止茲當再為酌奪凡東洋車及馬車肩輿其給發牌照宜悉由總理巡差管理不必華民政務司干涉又當設立規條以約束有牌照之東洋車使知遵守免生意外也○行騙被拘 二十五日有某少年手携信

屈臣氏大藥房

<p>所費無幾所益甚大</p>	<p>無穢氣至冬令尤宜常</p>	<p>口唇上立見鮮豔永</p>	<p>調男婦老少四時用之</p>	<p>療口唇焦燥爆裂無</p>	<p>花香味紅口唇膏功</p>	<p>此膏芬芳滋潤</p>	<p>用說</p>	<p>○小一錢八分</p>	<p>○大九錢</p>
<p>一丸惟孕婦勿服因</p>	<p>嗣之功每日宜服三</p>	<p>子有陰陽和合之妙</p>	<p>婦人服之溫煖子宮</p>	<p>子服之壯精益腎身</p>	<p>補氣補血藥丸功用</p>	<p>丸能調和氣血培補</p>	<p>每包價銀七分式厘</p>	<p>每</p>	<p>分</p>
<p>用所費無幾所益甚大</p>	<p>無穢氣至冬令尤宜常</p>	<p>口唇上立見鮮豔永</p>	<p>調男婦老少四時用之</p>	<p>療口唇焦燥爆裂無</p>	<p>花香味紅口唇膏功</p>	<p>此膏芬芳滋潤</p>	<p>用說</p>	<p>○小一錢八分</p>	<p>○大九錢</p>

此光明眼藥散功用說 開胃藥水功用說

神男 此散專治一切眼 此藥水最能消除積

康強 患無論風熱虛實及 滯開胃進食無論男

經種 起點膜障翳紅筋等 婦老少遇有每飯無

麟廣 症皆能治之宜用此 味美饌不思等症服

每次 散些少搽於眼處每 之最宜每於飯前空

惟竣 日三四次自然見服 心服藥水四十滴或

諸虛百損等症 穿腸痔漏肚門脫 男婦不拘長

日宜服三次每 出痛楚異常等症 純和甘香甜

一匙羹以滾水 患者宜每日早晚 時將粉放一

監尉煖飲之自 服一次每次以半 三匙羹清水

神效 匙羹用茶或糖和 漸加以煖水

每罐價銀大三元六 服 每包價○ 加些糖亦可

○小一錢八分 七分二厘 每罐價

初均可常食以此粉性味
清最能滋潤兼有裨益用
二匙美於炭鍋因再以二
或新鮮牛奶和勻煎之漸
隨手勻攪以成薄糊爲度
其法與煮米糊相同也
一錢八分

化痰止咳各症藥水功用說
此藥水能療內傷痰火破
吐血陰虛潮熱五癆七傷
肺癆乾咳哮喘喘逆中痰類
以癰癩傷風咳嗽喉痛胸痛
氣促肺熱等症至用藥水之
法列明鑄面 貴客買同一
每五錢 大七錢 小三錢

不相同聞閣用之塗
面了無痕迹其馨香
撲鼻越宿不散用之
既久自然皮膚幼嫩
容色光昌真水粉中
之第一佳品也
每盒價銀七分二厘 大七錢三

玫瑰甘水 玫瑰油膏功用說
此甘水油膏兩種善療隆冬
爆拆皮膚乾燥口唇臭竅焦烈
面生麻墨黃黑斑點風日所累
紋粗魯均合敷用即平時用之
能除去暗晦容色倍光也北省
土涸燥常用尤妙 玫瑰甘水

夕可除 服藥方
日服三
爲度臨
搖動多
然後斟

要如法耐心
油用手調勻敷上抹透
製釀成服之立能開胃進
食消除積滯兼善調和營
衛滋補精神養顏益壽無
論老少男婦俱合服食臨
飲時先將滾水熨煖飲之

藥水融治
常用者也 每罇價銀
大七錢二分○中三錢
每罇價銀○大一兩零八

分○小一錢八分

六分○小一錢八分

分○小一錢八分

本藥房原創在 香港中環臬憲署斜對門 一在英京反出
足 治大街後 一在粵城西關沙基大街近分枝 一在上洋第
及 二十四號南京路 一在福州南台廣東會館隔鄰 一在小
面 呂宋第十四號橋頭兼擇殷實行店附寄各省各埠發售以便
亦 貴客易於購買倘有行店無論在於何省遠處欲取各款藥用
料發售者請函致本局以便兌給務於原價酌減以便易於販賣
實得以廣行濟世是所厚望焉近有在外埠假冒本藥房招牌
者不但希圖射利誠恐為藥場人訕 諸尊賜顧請認明商標

此新開紙由香港歌賦街第五約門牌三十九號中華印務總局王韜刊印